

সারাদেশ

চট্টগ্রামে লবণ কারখানায় বিস্ফোরণ : চিকিৎসাধীন দুই শ্রমিকের মৃত্যু

প্রতিবেদক: প্রোব ডেস্ক

প্রকাশের তারিখ: রোববার, ৩০ আগস্ট ২০২৬, ০৫:২৩ PM



ছবি: সংগৃহীত

চট্টগ্রামের বোয়ালখালীতে কনফিডেন্স সল্ট লিমিটেড কারখানায় বয়লার বিস্ফোরণের ঘটনায় দক্ষ আরও দুই শ্রমিক চট্টগ্রাম মেডিকেল কলেজ (চমেক) হাসপাতালে চিকিৎসাধীন অবস্থায় মারা গেছেন। এ নিয়ে ভয়াবহ ওই দুর্ঘটনায় মৃতের সংখ্যা বেড়ে দাঁড়িয়েছে চারজনে।

রোববার (১৯ জুলাই) বিকেল ৩টা এবং রাত সাড়ে ১০টার দিকে হাসপাতালের বার্ন ও প্লাস্টিক সার্জারি ইউনিটে চিকিৎসাধীন অবস্থায় তাদের মৃত্যু হয়।

সবশেষ নিহত দুইজন হলেন- বোয়ালখালীর পশ্চিম গোমদণ্ডী ইউনিয়নের ৭ নম্বর ওয়ার্ডের চরখিজিরপুর গ্রামের নুর নবী হৃদয় (২৫) এবং রাঙ্গুনিয়া উপজেলার পোমরা ইউনিয়নের মধুরামপাড়ার বাসিন্দা উজ্জ্বল দাশ (৫৩)।

চমেক হাসপাতাল পুলিশ ফাঁড়ির ইনচার্জ নুরুল আলম আশেক চিকিৎসকদের বরাত দিয়ে বলেন, বিস্ফোরণে উজ্জ্বল দাশের শরীরের ৫০ শতাংশ এবং নুর নবী হৃদয়ের শরীরের ৪৫ শতাংশ পুড়ে গিয়েছিল। দীর্ঘ চেষ্টার পরও তাদের বাঁচানো সম্ভব হয়নি।

এর আগে, গত ১৬ জুলাই সন্ধ্যায় একই ঘটনায় চিকিৎসাধীন অবস্থায় মারা যান দিদারুল আলম (৩২) ও মোহাম্মদ আলম (৪৫)।

নিহতদের ব্যক্তিগত ও পারিবারিক সূত্রে জানা গেছে, উজ্জ্বল দাশ মুক্তিযুদ্ধের সময় পোমরায় হানাদার বাহিনীর হাতে শহীদ হওয়া ১৪ জনের একজন বিরাজ দাশের ছেলে। তিনি ঘটনার কয়েকদিন আগে চুক্তিভিত্তিক শ্রমিক হিসেবে ওই কারখানায় যোগ দিয়েছিলেন। অন্যদিকে, তরুণ শ্রমিক নুর নবী হৃদয়ের এক বছর বয়সী একটি সন্তান রয়েছে।

প্রসঙ্গত, গত বৃহস্পতিবার (১৬ জুলাই) সকাল ১০টার দিকে কনফিডেন্স লবণ কারখানায় বিস্ফোরণের ঘটনায় অন্তত ১০ শ্রমিক দক্ষ হন। ঘটনার পরপরই তাদের উদ্ধার করে চমেক হাসপাতালের বার্ন ইউনিটে ভর্তি করা হয়েছিল। কারখানাটির নিরাপত্তা ব্যবস্থা ও দুর্ঘটনার কারণ নিয়ে স্থানীয়দের মধ্যে তীব্র ক্ষোভ ও প্রশ্ন দেখা দিয়েছে।

এ বিভাগের আরও খবর



ব্রাহ্মণবাড়িয়ায় কনসার্ট ইস্যুতে সমঝোতা, মানতে হবে যে শর্ত
ব্রাহ্মণবাড়িয়া সরকারি কলেজের নবীনবরণ উপলক্ষে কনসার্ট আয়োজনকে কেন্দ্র করে সৃষ্ট বিরোধের অবসান হয়েছে। শনিবার (১৩ সেপ্টেম্বর) সন্ধ্যায় ব্রাহ্মণ...



আন্তর্গঞ্জে রুমিন ফারহানাকে অবাস্তিত ঘোষণা, বিএনপির বাহু মিছিল
জাতীয় সংসদে বিএনপির সমালোচনা করে দেওয়া বক্তব্যের প্রতিবাদে ব্রাহ্মণবাড়িয়ার আন্তর্গঞ্জে ব্রাহ্মণবাড়িয়া-২ আসনের স্বতন্ত্র সংসদ সদস্য ব্যারিস্টার...



তিতাস নদীর তীরে গ্রাম-বাংলার ঐতিহ্যবাহী নৌকা বাইচ উপভোগে অর্ধ লক্ষাধিক মানুষ
ভাত্রের তপ্ত রোদ উপেক্ষা করে ব্রাহ্মণবাড়িয়ার তিতাস নদীর দুই তীরে জড়ো হন অর্ধ লক্ষাধিক মানুষ। তাদের করতালি ও উচ্ছ্বাসে
মুখর হয়ে ওঠে নদীর পাড়....



বাংলাদেশ ইনোভেশন ফেয়ারে বেরোবির চার উদ্ভাবনী গবেষণা প্রকল্প
বিজ্ঞান ও প্রযুক্তি মন্ত্রণালয়ের উদ্যোগে আয়োজিত জাতীয় পর্যায়ের [বাংলাদেশ ইনোভেশন ফেয়ার ২০২৬]-এ অংশ নিয়েছে বেগম
রোকেয়া বিশ্ববিদ্যালয়, রংপুর (...)

Copyright Dhaka Probe

অনলাইন সংস্করণ পড়তে ভিজিট করুন: <https://www.dhakaprobe.com/saradesh/chttrame-lbn-karkhanay-bisforn-chikitsadhin-dui-shrmiker-mritju>